

DISSERTATIO CRITICA
DE
ORTU ET INCREMENTIS
LINGUAE LATINAЕ,

QUAM,
VENIA ORDINIS AMPLISSIMI PHILOSOPHORUM
AD AURAICUM INCLYTUM ATHENÆUM,

P. P.

JOHANNES GABRIEL LINSÉN,
PH. MAG., LITTERAT. ROMAN. ADJUNCTUS,

ET

JOHANNES ISAACUS FLORIN,
STIPEND. BILMARKIANUS,
NYLANDI.

In Audit. Jurid. die XII Decembris MDCCCXVIII,
horis ante meridiem solitis,

P. V.

ABOÆ, Typis FRENCKELLIANIS.

F.

Quæ jam disserimus, eorum, speramus, minuent quodammodo auctoritatem, qui Græcam Romanorum originem pro certa habent. Si enim obtutum vel paullulum stringit Sabini cum Romanis jam ante Urbem conditam propinquitas, adhuc saltem sub judice est lis, utrum Graja an Itala sint propago. Contestatum namque est, gentem Sabinorum & antiquissimam in Italia fuisse & aliarum matrem, Picentum, Samnitum, ceterarum (s). Alii quidem stirpis eorum autores nominant Umbros (t), quos tamen & ipsos habendos antiquissimos affirmant (u); ut itaque neutiquam a Græcia oriundi censeantur.

G

tur

s) STRABO, L. V: Ἐστι δὲ παλαιότερος γένος οἱ Σαβῖνοι, καὶ αὐτόχθονες. VIRG. Georg. II, §32. EN. VII, 706. "Sabeller hießen nach Plinius, III, 13. s. 17 die von Griechen genannten Samniten (Sauniten oder Sabiniten) über Campanien; sie führten diesen Namen nach Cato, weil sie als Sühnopfer (*ver sacrum*) ausgestoßene Abkömmlinge der aufonischen Sabiner waren, wovon noch ein Stamm über Latium wohnten; ihre Sprache war oskisch." Voss ad Virg. Georg. II, 167. Etiam a LIVIO, L. X, c. 19, Samnitum cohortes *Sabellæ* nominantur.

t) DIONYS., L. II, c. 51.

u) FLORUS, L. I, c. 17. PLINIUS, Hist. nat. L. III, c. 14. HERODOTUS antiquiores eos Etruscis, gente valde antiqua, testatur. L. I. Etiam ab Oscais Ausonum progenie Sabini traduntur orti Oscae lingua loquentes. LIV. L. X, c. 20. Eluet igitur has omnes gentes ejusdem fuisse originis. Cfr. CLUVERTUS, l. c. p. 41.

tur (v). His igitur incitamur ad disquisitionem nostram persequendam.

Ut Romanorum ex Alba origines non adinodum absconditæ debent videri, ita majoribus forsitan obductæ sunt tenebris Albanorum. Trojanum hos fuisse genus Æneadum in Italiam deductorum posteros, fama est vulgata: cuius tamen non parum laborat fides. Minime opinioni eorum accedimus,

- v) Notissima quidem est fabula de origine Sabinorum Laconica: cuius vero causam expositam legimus a DIONYSIO, l. c. Coloniam narrat venisse in Sabinos quorundam Lacedæmoniorum, leges pertæforum severas a Lycurgo conditas, sedesque cum illis conjunxisse: quam ob rem multa ab his peregrinis Sabini didicerint instituta, alacriora in primis belli studia, moribusque duros facti majorem exercuerint vitæ frugalitatem & animi atque corporis patientiam. Quæ tamen parum sibi constat narratio. Quomodo enim meliorem Sabinos docere potuerunt disciplinam, cum optima ipsi aspernati fuerint patria instituta? Probabilitia igitur videntur, quæ dicit v. MÜLLER: "Die Sage, daß Samnier und Sabiner Iakonische Pflanzvölker wären, scheint keinen festern Grund zu haben, als eine Uebereinstimmung im Ton und Sitten". L. c. p. 120. Scite etiam HEYNE vanitatem hujus dictitatæ originis ex eo probat, quod Virgilius ab eadem commemoranda abstinuit. Exc. VIII ad Æn. VIII. — Gallo cuidam nostri temporis, CREVIER, aliam eamque peculiarem de origine Sabinorum fingere placuit opinionem. Facit illos a Creta insula oriundos, urbemque inclytam Sabinam Cures a Curetibus adumbrat nomen invenisse. Manifestum commentum: constat enim à quiri (hafta) appellatas esse etiam Cures. DIONYS. L. II, c. 50.

qui traditionem de Ænea in Ausoniam profugo, vanitatis
quippe Græcæ figmentum, ex omni volunt memoria revellen-
dam (x): quos nimia dubitandi libidinis jam Æneidos con-

- x) Præter CLUVERIUM in primis SAM. BOCHARTUS, in *epistola ad de Segrais* misa (ex Gallico sermone in Latinum a Joh. SCHEFFERO versa, operique adnexa *Phaleg & Canaan*, Lugd. Bat. 1692 edito) hoc conatus est ostendere. Utrumque refutare pugnavit THEOD. RYCKIUS, *disl. de primis Italiz colonis & Æneæ adventu* (sub si-
nem notarum & castigatt. *Lucæ Holstenii in Stephanum Byzant.*,
quas Lugd. Bat. 1684 edidit RYCKIUS reginæque quondam Sveciæ
CHRISTINÆ dedicavit). — Firmari videtur hæc opinio auctori-
tate in primis HOMERI, apud quem, Il. XX, 306, sqq. ita effatur
Neptunus:

"Ἡδη γὰρ Πριάμου γενεὴν ἦχθησε Κρονίων
Νῦν δέ δὴ "Αἰγαῖο βῆται Τρώεσσιν αὐάξει,
Καὶ παιδῶν παιδεῖς, τοῖς κεν μετόπισθε γένωνται,

Quibus jam Strabo adductus est, ut Æneam in Italiam iter fecisse
negaret, cum in Troade ipsum regnaturum heic indicatum putarit.
Alii regnum Æneæ Italicum intelligendum autemant, alii proflus
ad imperium Romanum locum absurde accommodant. Vix autem
est genuinus. Nisi valde fallimur, facile efficitur, non ab HOMERO
esse illum profectum. Primum enim multa in Iliade loca vaticinii
in morem non Priamidarum tantam interitum significant, sed totius
Trojanorum gentis, e. c. IV, 35-37; VI, 449; XXI, 216.
Deinde versus: Πριάμου γενεὴν Ἠχθῆσε Κρονίων, plane iis re-
pugnat locis & antecedentibus & sequentibus, quæ si persendas,

vincere valet perenne documentum; cuius ut poëtica laus
frustra deterent homines, immodico tumore turgescens tantum
ingeniosa judicantes, naturæ sic fines excedentes, ita histo-
rica illa neminem umquam sagaciorem fugiet (y). Lucu-
len-

tantum abesse confitearis, ut Priami progeniem odisset Jupiter, ut
e contrario ei maxime sit propensus, calamitatemque fatalem mo-
sus misereatur. Loquitur ipse IV, 44 sqq. μέγ' ὀχθόρας:

Αἴ γαρ ἡπ' ηδίω τε κοὶ ὄντανῷ αὐτερέστη
Ναιετάσουσι πόλης ἐπιχθόνιων αὐτούρων,
Τάνω μοι πέρι κῆρυ τιέσκετο Ἰλίος ιέν,
Καὶ Πρεσός κοὶ λαὸς ἔүμελίω Πρεσάμοιο.

Et XXII, 168, sqq.

"Ω πόποι, ἦ φίλοι ἀνδρες διωκόμενον περὶ τεῖχος
Οφθαλμοῖσιν ὅρῶμαις ἐμὸν δὲ ὀλοφύρεται ἦτορ
Ἐκτορος — — —

Nobis quidem hæc persuadent, posteriori ævo, quando de Æneæ
regno jam increbuerat fama, hos infertos esse versus, neque ex
mente HOMERI aliud vaticinatum Neptunum, quam fore in Ænea
gentem Dardani superflitem (v. 303). Eiusdem forsitan sunt æta-
tis, atque Hymnus in Venerem, in quo formolo suo Idæo pa-
lori prænuntiat Cythereis:

Σοὶ δὲ ἔσται φίλος υἱός ὁς ἐν Τρώεσσιν ἀνάγει
Καὶ παῖδες παΐδεσσι διαμπερὲς ἐκγεγάνται.

y) Fuit Virgilius "multæ antiquitatis homo sine odio peritus," GEL-
LIUS, L, V, c. 12.

Centissime nuper istius famæ fidem fecit eximius B. G. NIEBUHR, qui prima ejus vestigia in ipso apparere Latio probavit (z). Tribui autem heroi Anchisiadæ nimis magna, cum & novi Trojani in Italia imperii honoretur conditor & sanguinis Albañi Romanique auctor, haud temere suspicaris. Profecto si Trojana quædam civitas in Italico solo fuisset constituta, prioribus incolis ei cedere coactis, exteris iste ab oris veniens alienigena populus in gente Latina non evanisset, saltem non sine notabili quodam excidii eventu etiam futuris scæculis cernendo corruisset. Conspicuam vero nullam ipsius vim in partem aut publicæ rei aut religiosæ animadverti, quis dicere dubitat? (a). Consonum igitur putamus, non nisi adulatio-

z) *Römische Geschichte*, I Th. p. 125, sqq. Quæ contra de re disputat A. W. SCHLEGEL, in *Heidelberg. Jahrbücher d. Litt.* 1816 No. 55, quantum nos judicamus, sententiam Niebuhrianam haud infringunt.

a) Forsttan cujusdam ad rem illustrandam erit momenti Æneam in Italia confidentem cum Othino Scandiae augusto colono conferre. Videntur enim ambobus æque celsa consilia & molimina vindicari. Quam vero clarus hic postgenitus! quam egena rerum illius memoria! Qui fundamentis primis regni cujusdam locatis barbaræ gentis exstat conditor, veneratione ea non caret, quæ instituta ipsius diutissime servet, idque efficiat, ut in hominum ingeniosis & moribus spiret ejus animus. At Romulus, qui suam ipse in remotissima tempora gentem fixit, Æneæ & Trojanorum progoniem se nusquam prodidit. Quis enim crediderit, fraterno fœdatus sanguine alumnū lupæ, in Tullis Hostiliis, Horatiis, Brutis quasi renatum,

tione poëtarum, Augustum in nepotes referentium (*b*) Aeneæ a Venere ducentis genus, factum esse, ut Romanæ stirpis origo (*c*) hic fuerit habitus. Et tamen VIRGILIUS, ut res dubia probabilior fieret, fictione ista censuit esse opus, qua, jam cum decernenda Aeneæ fortuna esset, Turnum quidem jusu Jovis fato relictura, ne omnia ipsius vota caderent in irritum, hæc conjugem orans inducit Juno:

*Illud te, nulla fati quod lege tenetur,
Pro Latio obtestor, pro maiestate tuorum:
Cum jam connubiis pacem felicibus, esto,
Component, cum jam leges & foedera jungent,
Ne vetus indigenas nomen mutare Latinos,
Neu Troas fieri jubeas, Teucrosque vocari,
Aut vocem mutare viros, aut vertere vestes.*

Sit

a pio Aenea sociisve duci suo haud dissimilibus esse ortum? Patet etiam, sacra non magis quam civilia Romanorum instituta Aeneæ deberi. Vestæ cultum, jam antiquissimis temporibus per omnem fere terrarum orbem propagatum, is primus Latio intulisse falso perhibetur. De Diis Penatibus mox infra. — Trojanorum in Latio coloniam aliquatenus similem cogitare licet confidentibus in Novae gardia Varegis; quorum ut posteri minime haberi possunt Rutheni, ita haud multo cognatiores Trojanis videntur fuisse Romani.

b) VIRG. *Aen.* I, 290 — 295. VII, 98 — 101. OVID, *Fas.* IV, 39, sq. *Met.* XV, 813 — 821.

c) VIRG. *Aen.* XII, 166.

*Sit Latium, sicut Albani per saecula reges,
Sit Romana potens Itala virtute propago:
Occidit — occideritque finas cum nomine Troja! (d).*

Testantur quidem poëtæ, simulque historici, Albanos ex Lavinio, coloniæ quam constituit Æneas sede, primordia cepisse. Examinatis autem ipsorum testimoniiis, ei inclinamus conjecturæ, non proprie a Trojanis demigratum esse Albam, sed potius a Latinis. Videtur conœitata quadam inter Trojanos atque Latinos Lavinenses discordia, non diutius placuisse, ut communibus uterentur domiciliis, hosque ab illis discessisse. Duæ antiquissimæ narrationes invicem comparatæ id nobis suggerunt. Traditur scilicet, post conditam Albam simulacra Deorum Penatium a Lavinio illuc transportata miro prodigo in pristinas sedes remigrasse, iterumque abducta de novo revertisse: quam ob causam ibi iisdem relictis plures reditæ essent Lavinium familiæ, hanc perrecturæ urbem incolere & sacra curaturæ (e). Præterea alia dicitur narratione,

Tu-

d) *Æn.* XII, 819, sqq. Eandem rem ornavit HORATIUS, Junonem itidem loquentem faciens. *Carminum* III, 3.

e) SERVIUS ad *Æn.* I. SEXT. AURELIUS, I. c. DIONYSIUS L. I. — Revera etiam post Tarquinios ex urbe depulso, dudum itaque dirutam Albam, floruit Lavinium. — Cultum vero deorum Penatium haud antiquitus a Romanis adsumptum esse, vel id probat, quod, ut apud AUGUSTINUM, *de Civit. Dei* (L. IV, c. 9), VARRO docet, plus quam annos centum & septuaginta deos sine simulacro colue-

Julum, Ascanii filium, Æneæ nepotem, & Silvium, quem postumum ex Ænea genuisset Lavinia, Ascanio jam mortuo inter se contendisse, uter imperio esset potitus, populique favore Silvium regem factum Albæ cum posteris regnasse (*f*). Nonne igitur ex his facillimum est collectu, Latinos solos hujus oppidi cives suisse, qui se a communitate cum Trojanis removissent? Verum quidem est, secundum narrationes atlatas non a Silvio Lavinium relictum, sed jam ab Ascanio. Cum vero simul id feratur evenisse, postquam triginta adeo annos Lavinii imperasset (*g*), parum credibile est, seniori

pla-

runt. At Penates certe sub specie quadam sunt honorati, Sponte subit animum Æneæ narratio sane luculenta.

*Effigies sacræ divum Phrygiique Penates,
Quos mecum a Troja mediisque ex ignibus urbis
Extuleram, vissi ante oculos adstante jacentis
Insomnis, multo manifesti lumine, qua se
Plena per insertas fundebat luna fenestræ.
Tum sic affari — — —*

Æn. III, 148, sqq. Faciunt haec fidem, neque in Alba cultos esse Penates ullos, omneque disruptum hujus cum Lavinio commercium.

f) SEXT. AUREL, I. c. DIONYS. L. L.

g) VIRG. ÆN. I, 269 — 271. VIII, 47, Tq. Locum priorem quidam ita explicant, ut mentio sit facta tantum de tempore, quo regnaverit Ascanius, non de eo, post quod exactum imperii sedem mutarit. Quod tamen eo magis est incommodum, quo certius po-